



Knud Fleischer, Inatsisartuni ilaasortaq  
Kattusseqatigiit Partiiat  
/Maani

**§ 37 naapertorlugu apeqqummut nr. 2011-136-imut nukissiorneq pillugu misissuinermit tunngasumut akissuteqaat**

04. juli 2011  
Sagsnr. 2011-052082  
Dok. Nr. 671834

Asasara Knud Fleischer

Postboks 909  
3900 Nuuk

Apeqqutitit pillugit qutsavigaakkit, taakkulu imatut nipeqarput:

Tlf. (+299) 34 50 00

Fax (+299) 34 54 10

**1) Nukissiorneq pillugu Qeqertarsuarmi misissukat sumut killippat?**

E-mail: [iaan@nanoq.gl](mailto:iaan@nanoq.gl)

[www.nanoq.gl](http://www.nanoq.gl)

2005-imi suliamik, Qeqertarsuup qanitaani puilasoq kissartoq kiassarnermik pilersuinermit atorneqarsinnaansoq pillugu paasiniaanissamik siunertaqarfiusumik ingerlatsisoqarpoq. Suliaq nukissiuuteqarneq pillugu suleqatigiinnissamut isumaqatigiissummut, Kalaallit Nunaata aamma Islandip akornanni isumaqatigiissutigineqartumut ilassutitut ingerlanneqarpoq.

Suliaq taamanikkut Qeqertarsuup Kommunerisaanit aqunneqarpoq, Nukissiorfinit suleqataaffigineqarluni. Islandimi ingerlatseqatigiiffik Iceland GeoSurvey (ISOR) suliami siunnersuisuuvoq.

Suliami Uunartorsuup eqqaani puilasoq kissartoq, nukissamik pilersuinermit atorneqarsinnaasoq paasineqarpoq. Suliap immikkoortuisa tullianni puilasup misissueqqaarfigineqarnera ingerlaqqittussaasimagaluarpoq, kisiannili misissueqqaarnissaq naammassineqanngitsoorpoq suliarlu unitsinneqarluni.

Misiliilluni qillerinerit qulit missaannik ingerlanneqartussaammata, tamannalu 1-2 millioner koruunit missaannik akeqartussaammata suliaq unitsinneqarpoq. Aamma qillerinerit ilaat sumiiffinni eqqissisimatitanik ingerlanneqartussaammata, sumiiffinnut qillerutinik assartuinissaq ajornartorsiorfigineqartussaasimavoq.

**2) Siusinnerusukkat paasissutissanik misissuisimanermi iluaqutissanik nassaartoqartarsimaneraaneq qanoq annertutigisumik Namminersorluni oqartussanik ilisimaneqarpa?**

Nukissiorfiit suliamut suleqataapput. Kiisalu aamma taamanikkut Inuussutissarsiornermut Pisorta qarfiusoq suliamut suleqataavoq.

Neriuppunga akissuteqaatika naammagisinnaassagitit.

Inussiarnersumik inuulluaqqusillunga

Jens B. Frederiksen